

## **Toba - Agape Tarsurat - God's Love Letter Scriptures**

**Johannes 15:9 Songon holong ni roha ni Damang di Ahu, songon i do holong ni rohangku di hamu. Mian ma hamu di bagasan holong ni rohangki!**

**Jesaya 43:1 Alai anggo nuaeng, songon on do hata ni Jahowa, sitompa ho ale Jakkob, jala Sijadi ho ale Israel: Unang ho mabiar, ai Ahu do siluluhon ho; nunga pola hujou goarmu, ahu nampuna ho.**

**Jeremia 1:5 Tagan so hujadihon dope ho di bortian, nunga hutanda hian ho; jala tagan so ruar dope ho sian ampuan ni natorasmu, nunga huparbadiai hian ho: Hupabangkit ho gabe panurirang tu angka bangso.**

**Johannes 15:16 Ndada hamu mamillit Ahu; Ahu do mamillit hamu jala hupadiri hamu, asa laho hamu marparbue, jala asa mian parbuemuna i; asa dilehon tu hamu nasa sipangidoonmuna sian Ama i marhitehite Goarhu.**

**3 Johannes 1:2 Ale anggia, sandok dipangido rohangku, naeng horas ho jala hipas, hombar tu horas ni tondim!**

**Jesaya 43:4 Dibahen na arga do ho huida, marmulia jala ahu mangkaholongi ho, jadi hulehon jolma singkatmu, jala angka bangso singkat ni tondim.**

**Jeremia 31:3 Nunga tibu hian diida rohangku Jahowa, ninna ibana do: Haholongan salelenglelengna hubahen mangkaholongi ho, dibahen i hutogutogu ho marhitehite asi ni roha.**

**Hosea 11:8 Beha lehononku ma ho ulaning ale Epraim? Pasahatonku ma ho ale Israel? Beha lehononku ma ho ulaning songon Adma? Bahenonku ma ho songon Zeboim? Humusor do tahe rohangku dompak ho, marsigorgor do angka asi ni rohangku.**

**Johannes 3:16 Ai songon on do holong ni roha ni Debata di portibi on, pola do Anakna na sasada i dilehon, asa unang mago ganup na porsea di Ibana, asa hangoluan na salelenglelengna di ibana.**

**Jesaya 49:15,16 Tung tarhalupahon inaina ma posoposona, so asi rohana mida anak tinubuhonna i? Tung sura pe tarhalupahon nasida, ianggo ahu Iaos so halupahononku do ho. 16 Ida ma, nunga pola ahu mangahirhon ho tu bagasan tanganku duansa, tongtong do angka parikmu di jolongku.**

**Jesaya 41:13 Ai ahu do Jahowa Debatam, na maniop tanganmu siamun, jala na mandok tu ho: Unang ho mabiar, ahu do mangurupi ho.**

**Mateus 28:20 Laos ajari hamu ma nasida mangaradoti nasa hata naung hupatikkon tu hamu. Ai ida ma, sai na dongananku do hamu ganup ari, rasirasa ro ajal ni hasiangan on!**

**Johannes 14:1 Unang ma bonsa rohamuna! Porsea ma hamu di Debata, jala porsea ma hamu di Ahu!**

**Jesaya 41:14 Unang ho mabiar, ale gea Jakkob, hamu jolma siotihotik sian Israel! Ahu do mangurupi ho, ninna Jahowa dohot siluluhon ho, na badia ni Israel.**

**Jesaya 43:2 Ai molo dibolus ho aek, donganmu do ahu, manang ditaripari ho angka batang aek, ndang umbanganna ho. Tung sura pe mardalan ho di bagasan api, ndang mosokkononna ho, jala ndang gor ho bahanon ni dila ni api.**

**Psalmen 23:1-6 Ende sian si Daud. 1 Jahowa do Siparmahan ahu, ndang tagamon hurangan ahu. 2 Dipatongan do ahu tu jampalan angka na lomak, ditogutogu do ahu di lambung aek hasonangan. 3 Dipasabam do rohangku, ditogu do ahu di dalan hatigoran, ala ni goarna i. 4 Ai nang pe mardalan ahu di rura linggoman ni hamatean, ndang huhabiari parmaraan, ai Ho do mandongani ahu tungkotmu dohot batahim mangapuli ahu. 5 Ho do manutup meja di jolongku maradophon angka musungku, dimiahi Ho do ulungku, suksuk do panginumanki. 6 Tongon tahe dengan basa dohot asi ni roha mangihutihut ahu saleleng ahu mangolu, jala dung mulak ahu masuhanku ma bagas ni Jahowa salelenglelengna.**

**Johannes 14:27 Dame do hutinggalhon di hamu; dame na di Ahu, i do hulehon di hamu. Ndang songon pangalehon ni portibi on pangalehonku. Unang ma bonsa jala unang ma mabiar rohamuna!**

**Pilippi 4:7 Jala dame ni Debata na sumurung sian saluhut roha, i ma mangaramoti angka ateate dohot pingkiranmuna di bagasan Kristus Jesus!**

**Poda Sian Raja Solomo 3:24 Molo modom ho ndang tagamon tarSonggot, jala ia naung renge ho modom, sonang ma parpodommu.**

**Psalmen 4:9 Sonang do ahu hupapeak huhut mamintor nok; ai sasada Ho do, ale Jahowa, pasonang ahu maringanan.**

**Psalmen 33:18 Ida ma, sai nolnol do mata ni Jahowa tu angka na mangkabiari Ibana, angka na mangkalungunhon asi ni rohana.**

**Rom 5:2 Laos marhitehite Ibana do saut masuk hita tu asi ni roha, hajongjonganta nuaeng dalan haporseaon, jala taparhatua do dirinta marningot hasangapon ni Debata na itahirim i i.**

**Jesaya 55:12 Ai ingkon di bagasan las ni roha hamu borhat, jala di bagasan hadameon hamu pataruon; pangiaron ni angka dolok dohot robean soarana marolopolop di jolomuna, jala nasa hau di ladang martopaptop tangan.**

**Johannes 16:22 Di hamu pe nuaeng dok ni roha; alai idaonku do hamu muse, gabe las ma rohamuna disi, jala ndang buaton sian hamu halalas ni rohamuna i.**

**Lukas 12:9 Alai na mansoadahon Ahu di jolo ni jolma, soadahononhon do sogot di adopan ni angka surusuruan ni Debata.**

**Mateus 10:30 Ianggo di hamu, gari obuk saluhutna na di ulumuna i nunga dibilang.**

**Jesaya 54:10 Ai munsat pe angka dolok, jala humuntal angka robean, alai anggo asiasingku na so tupa munsat sian ho, jala padan ni hadameonku na so tupa humordit, ninna Jahowa siasii ho.**

**Mateus 11:28-30 Ro ma hamu tu Ahu, hamu angka na loja jala na sorat, asa hupasonang hamu! 29 Jangkon hamu ma augangku, marguru ma hamu tu Ahu, ai na lambok do Ahu jala na serep marroha, asa dapatan hasonangan tondimuna. 30 Ai lambok do augangku jala neang do dohot na hupaporsanhon.**

**Ende ni Angka Ende Sian si Solomo 2:10 Dung i mangkuling ma hasudungan ni rohangku, didok ma mandok ahu: Hehe ma ho, ale hasoloan ni rohangku, na mauliutus, jala ruar ma ho!**

**Hosea 2:14,19,20 Jala tarulang bahanonku hau anggurna dohot antajauna, ala na nidokna i taringot tusi: I do upangku, na nilehon ni angka puangku tu ahu; jala bahanonku do i gabe tombak, jadi suda ma angka i gagaton ni binatang di ladang. 19 Ai paholangonku ma goargoar ni angka Baal i sian pamanganna, jala ndang be taringotan ni halak angka goarnasida. 20 Jala bahanonku ma di ari na sasada i padan pardengganan di nasida tu binatang di ladang dohot tu pidong angka na martongatonga langit dohot tu gulokgulok di tano on; ponggolhononku ma sior dohot podang ro di hamusuon sian tano on, asa marsonangsonang nasida maringanan hubahen.**

**2 Musa 3:14 Dung i ninna Debata ma tu si Musa: Ahu nuaeng Ahu sogot. Dung i ninna muse: Songon on do dohononmu tu halak Israel: Jahowa marsuru ahu tu hamu.**

**Hosea 13:4 Hape ahu do nian Jahowa Debatam olat ni tano Misir, jala Debata dungkon ni ahu, ndang adong tinandam, jala ndang adong sipangolu dungkon ni ahu.**

**Johannes 15:14 Alealengku ma hamuna, molo diula hamu na hupatikkon i tu hamu.**

**Pangungkapon 3:20 Ida ma, na jongjong do Ahu di jolo pintu i manuktuhi; ia adong na tumangihon soarangku dohot mangungkap pintu i, bongot ma Ahu tu ibana, mangan ma Ahu rap dohot ibana, jala ibana rap dohot Ahu.**